


1633\_1039.jpg




*Le Mercure François.* 1039


Duc d'Espèrnon & Archevesque de Bordeaux, a respondu que non. Enquis suiuañt le susdit arrest sur ce qui se passa le iour d'hier entre ledit sieur Duc d'Espèrnon & Archevesque de Bordeaux, Depose qu'il est en ceste ville depuis quelques iours pour rendre compte audit sieur Archevesque cõme Intendant de la Marine de deux vaisseaux qu'il a fait bastir pour le seruice du Roy, & que ledit iour d'hier il partit avec ledit sieur Archevesque, & l'accompagna es Eglises de S. André, des Peres lesuites & vne autre dont il ne scait le nom; & au retour cõme ils furent pres de ladite Eglise de S. André il veit ledit Duc d'Espèrnon acompagné de ses Gardes & autres gens vestus de hocquetons rouges posez en haye des deux costez de la ruë; & ledit sieur Duc d'Espèrnon vint au deuant dudit sieur Archevesque sans oster son chapeau de lateste, & d'abord luidit plusieurs iniures, entre lesquelles il remarqua les mots d'impudent & de broiillõ, & luy jetta son chapeau à terre & la calote qui fut aussi entraignée; & quelque temps apres continuant quelques paroles qu'il ne pût pas bien entendre veid qu'il auança le bras vers l'estomac dudit sieur Archevesque tenant vn baston noir à la main lequel il luy porta fort prez du visage & ne pût voir si ledit Duc d'Espèrnon frapa ledit sieur Archevesque, parce que le sieur Euesque d' Agen qui estoit entre deux l'empeschoit de voir, & quelque réps apres

XXX ij

1633\_0451.jpg



1633\_0452.jpg



452 M. DC. XXXIII.

le depart de Horn , en la place duquel estoit ledit Rhingraue.


*Surprise de Haguenau en Alsace.*

Le Marechal Horn n'eut pas plustost pris le chemin de la Suave, que les affaires des Suedois changerent de face en Alsace par la reprise de plusieurs places par les Imperiaux, ainsi que nous auons deja veu, bien que le Rhingraue Orthos'y comportast en tres vaillant & vigilant Capitaine. La perte la plus sensible aux Suedois fut celle de Haguenau que les Imperiaux surprirent. par le moyen de la trahison & assistance de certains payfans; là où ils assommerent à coups de baston & de leuier les soldats de la garnison, & blesserent Cronec Lieutenant Suedois, de deux coups de mousquet.

*Resolte & cruauté des payfans de Sondgow.*

Depuis il ne se fit point d'entreprise de grande importance jusques à la reuolte des payfans de Sondgow ou Songow, lesquels s'estans armés par vne resolution desesperée coururent le plat pays, surprirent la ville de Pfirt, en laquelle ils traiterent cruellement les Suedois qu'ils y trouuerent, particulièrement le Gouverneur Erbach, auquel, bien qu'ils luy eussent promis la vie, neanmoins le lendemain, par vne infidelité & cruauté plus que barbare, ils couperent premierement le nez, puis les oreilles, les mains, les pieds, finalement la teste. Vn sien cousin mesme qui l'estoit venu voir de Basle, ne fut pas traité plus doucement. Ils exerce-

1633\_1040.jpg




1040 M. DC. XXXIII.

continuant quelques paroles, le dit fleur Ar-  
cheuesque luy disant qu'il estoit excommu-  
nié, iceluy fleur Duc d'Espèrnon luy dit  
qu'il en auoit menty. Qui est tout ce qu'il a  
dit sçauoir, n'ayant peu voir ny ouyr tout  
ce qui se faisoit à cause du bruit des Gardes,  
& apres lecture faite de sa deposition, a dit  
ice le contenir verité, & n'y veut adiouster  
ny diminuer. Signé de Beaulieu, déposant.

Le Duc estoit lors fort mal avec le Parlement  
& de fait il auoit obtenu lettres pour faire  
euoquer toutes les causes au Parlement de  
Paris, où les choses cōcernantes sa personne  
de droit alloient en premiere instance. Il  
trouua donc quelque chose à dire à toute  
cette procedure de Bordeaux, & en propo-  
sa mesme l'incompetence. L'on ne laissa  
pourtant pas de passer outre, par les instan-  
ces de Pontac, Procureur General au Par-  
lement de Bordeaux, dequoy le dit Sieur  
Duc d'Espèrnon fit de grandes plaintes.

Voila l'estat où nous laisserons cet affaire  
pour ceste année, iusques à ce que nous en  
repreuons le cours l'année prochaine, où  
nous ferons voir ce qui se passa au Conseil,  
& au Consistoire à Rome sur ce different  
& iusques à son entiere diffinitue.

1633\_0453.jpg



*Le Mercure François.* 453

rent pareille cruauté sur ceux de la ville d'Altkirche, de laquelle ils se rendirent semblablement maistres, assommans à coups de baston le Gouverneur d'icelle nommé Gommare, sans l'assistance d'un Pere Iesuite qui l'arracha de leurs mains, & le sauua. Le Rhingraue Otho estoit alors à Strasbourg, lequel ayant eu aduis de telles insolences & cruautéz courut en diligence pour en arrester le cours.

Cependant ces payfans deuenus plus fiers par ces actes de cruauté croissoient de iour en iour, comme vn feu nouvellement allumé si on ne l'esteint promptement; de sorte qu'ils se trouuerent iusqu'à quatre mille, capables de faire beaucoup de maux si on n'y eust apporté remede. Ils en vindrent mesme iusques à ce point de vouloir enleuer le quartier du Colonel Harpf. Dequoy ayant aduis il creut qu'il iroit de son honneur s'il se laissoit vaincre en courtoisie par des payfans qui l'alloient visiter, qu'il deuoit luy même aller au deuant d'eux, & tout au moins faire la moitié du chemin pour les receuoir. Il le fait avec tant de promptitude, tant d'adresse & de courago, qu'il les rencontre en chemin, en estend huit cens morts sur la place, en fait quelques centaines prisonniers, & oblige le reste à luy tourner les talons, & à re-

*Defaits par  
le Colonel  
Harph Suedois.*

Ff iij

1633\_0454.jpg



454 M.DC.XXXIII.


chercher leur salut par la fuite.

Ils se retirèrent au bourg de B'ortzheim, où ils n'y furent pas plutôt que les voila inuestis par les Suedois qui les poursuivoient toujours. Et bien qu'ils reconussent assez la foiblesse du lieu pour les mettre à couuert des armes des Suedois, si ne voulurent-ils pas se rendre : Ils font néanmoins feinte de vouloir le faire. On enuoye deuers eux quatorze Cavaliers avec vn Trompette pour traiter avec eux, afin de ne leur acroistre le courage par le desespoir ; Mais perfides & cruels, ausquels veritablement on faisoit trop d'honneur, ils les massacrent & tuent mechamment ; & ainsi contraignent le Colonel Harpf à n'auoir aucune pitié d'eux. Il met le feu aux quatre coins du bourg, le reduit en cendres avec vne bonne partie de ces coquins, taille le reste en pieces, excepté quelques vns, qui trouuerent le moyen d'euiter le fer & la flamme. Il en demoura de morts bien deux mille en deux iours, & neuf cens de prisonniers.

*Et par le  
Rhingraue  
Othe.*

D'vn autre costé le Rhingraue Ortho en rencontrant seize cens autres en vn certain Bourg nommé Dammerkerc, les taille tous en pieces, à la reserve d'vn seul enfant de huit à neuf ans, en haine de la cruauté qu'ils auoient exercée à l'endroit de ceux de Phirt.

1633\_0455.jpg



Le Mercure François. 455

Les Payfans de Brisgæw ayant au-  
si à l'imitation de ceux - là pris les  
armes, tuèrent mesme le Gouuer-  
neur de Rotelen avec sa troupe, en  
laquelle y auoit quantité de personnes  
de recommandation, sur le chemin  
de Hochberg. Ce qui irrita les Sue-  
dois de telle sorte, qu'ils firent pen-  
dre six - vingt des premiers & princi-  
paux de ces autres payfans prisonniers,  
& employèrent le reste à trauailler à  
des fortifications, afin de donner de  
la retraite aux autres, lesquels furent en  
effet plus retenus.

Reuolte des  
payfans de  
Brisgæw.


La garnison de Brissac faisoit en  
mesme temps rage de son costé, par  
des courses sur le plat pays, pillant  
& rauageant de toutes parts. Il arriua  
vn iour que pensans surprendre Kent-  
zinghen ils furent eux mesmes surpris  
par les Suedois de Fribourg, lesquels  
en taillerent en pieces vne partie, le  
reste au nombre de trois cents furent  
emmenés prisonniers. Vn plaisant trait.  
Entre ceux - cy estoit le Marquis de Ba-  
de Imperial; mais de bon - heur pour  
luy le soldat Suedois qui le menoit  
en apperceuant vn autre mieux cou-  
uert que luy, mais de bien moindre con-  
dition, le quitte pour prendre cet auantu-  
rier, ainsi le Marquis se sauua.

Surprise de  
la garnison  
de Brissac  
par les Sue-  
dois.

Or pendant que les Suedois faisoient


Ff iij

1633\_0456.jpg





1633\_0457.jpg



1633\_0458.jpg



**Image issue du site [mercurefrancois.ehess.fr](http://mercurefrancois.ehess.fr) - Cliché (c) Cécile Soudan**